

ՀԱՅՐԵՆԱԿԱՆ ՊԱՏԵՐԱԶՄԸ ԵՎ ՀԱՅ ԺՈՂՈՎՈՒՐԻՆ

Սովետական Ռեսպուբլիկաների Միությունը քառորդ դար և ավելի է, որ իր ամբողջ մտավոր, բարոյական և նյութական ուժեր տրամադրել է Միութենական երկրների շինարարության, նրանց ժողովուրդների տնտեսական հզորացման և մտավոր ու ազգային-կուլտուրական զարգացման գործին: Այս վարքագծի հետևանքով և հայ ժողովրդի քրտնաջան աշխատանքի շնորհիվ է, որ Սովետական Միության այլ ռեսպուբլիկաներին զուգընթաց նաև Հայաստանն ավերակ վիճակից վերաչինվել է, տնտեսապէս զորացել, զարգացել է նրա կուլտուրան, գիտությունը և արվեստը:

Սովետական Իշխանության շնորհիվ է միայն, որ հայ ժողովուրդը ձեռք բերեց անկախ պետական իշխանություն, որ երազում էր դարեր շարունակ:

Այս խոշոր երեւոյթները, բնականաբար, ծնել են հայ ժողովրդի մեջ երախտագիտական զգացմունք հանդեպ ռուս մեծ ժողովրդի, Սովետական Իշխանության և նրա հանձարեղ Առաջնորդի: Այս է պատճառը, որ հայ ժողովուրդը, իբրև մի մարդ, ծառացավ Սովետական երկիրը ներխուժող թշնամու դեմ և հայրենական սրբազան պատերազմ մղեց ոչ միայն հանուն իր ազգային անկախության, այլև առավելապես ընդհանուր հայրենիքի, նրա քաղաքական ազատության և տնտեսական ու կուլտուրական նվաճումների պաշտպանության համար:

Մեր նախնիքը դարերի ընթացքում պայքարել են օտար բռնակալների դեմ, որոնք ձգտել են ֆիզիկապես և հոգեպես ստրկացնել հայ ժողովրդին: Սակայն նա քրիստոնեական ոգով դաստիարակված, հայրենիքի սիրով վառված, իր ազատության և անկախության համար գոհվելու պատրաստ, միշտ պայքարել է նրանց դեմ և եթե ոչ միշտ ֆիզիկապես, բայց բարոյապես միշտ էլ հաղթանակել է:

Հայ ժողովրդի այս ազատասեր և պայքարող ոգու ցայտուն արտահայտություններով ոչ միայն հարուստ է հայոց հին պատմական կյանքը, այլև նորագույն կյանքը: Այդ ոգին հմայիչ պատկերներով դրսևորվել է մեր նոր գրականության, կլասիկ գրողների ստեղծագործությունների մեջ:

Հայ ժողովրդի այդ պայքարող ոգին ապրում է նաև այսօր: Հայ ժողովուրդը չխնայեց իր սիրասուն զավակներին ուղարկել Հայրենական պատերազմի դաշտը, հայրենասեր հին հունական ժողովրդի պատգամը տալով իր մարտիկին՝ «Վահանով կամ վահանիդ վրա», այսինքն կամ մեռի՛ր ռազմի դաշտում, կամ վերադարձի՛ր հաղթանակով:

Պարծանքով պիտի շնչո՞ւմ, որ հայ գինյորը պատվով կատարեց հայրենի ժողովրդի սրբազան պատգամը: Իր անձնվեր հերոսությամբ Հայրենական պատերազմում հայ մարտիկը հայ ժողովրդի մարտական ոգու նոր ու փայլուն օրինակներ

հանդես բերեց և հաղթանակի փառքով պսակեց հարազատ ժողովրդին և իրեն։ Անձնուրացության և ջերմ հայրենասիրության վեհ զգացմունքներով տոգորված բազմաթիվ հայ հերոսներ ու զենեքալներ դարձան աշխարհի սեփականություն, իսկ նրանց անունները զարդարեցին պատմության էջերը։ Հայ ժողովրդի սիրելի մարտիկները արժանացան ամենամեծ պատվի՝ Մեծ Առաջնորդի գովգին ու պարգևատրման։

Հայ ժողովուրդը թիկունքում կատարած իր անդուլ աշխատանքով՝ հերոսական, Կարմիր Բանակին մատակարարելով ամենատեսակ զինական և պարենային մթերքներ՝ իր հերթին ևս նպաստեց թշնամուն ջախջախելու և մեր երկրից արադ վանելու։

Արտասահմանի հայությունը նույնպես հետ չմնաց մայր երկրում ապրող իր հարապատներին՝ նվեր բերելով Հայրենական պատերազմի հաջողության համար իր խնայողություններն ու ջրտնաջան աշխատանքի պտուղները։ Արտասահմանի հայություն և Մայր երկրի հավատացյալների նվիրաբերության շնորհիվ պատրաստվեցին ՍՍՍՌԻՆՑԻ ԴԱՎԹԻ անվան տանկային շարասյուներ, որոնք արդեն մեկնել են ճակատ երդվյալ քաջամարտիկներով և անձնվիրաբար կռվելով թշնամու դեմ ջախջախում և դուրս են ջրում նրան մեր հարազատ հողից։

Այդ է ասում Զինվորական Իշխանություն պաշտոնական հեռագիրը, որ զետեղված է «Էջմիածին» ամսագրում։

Այսպես, ուրեմն, Հայրենական պատերազմը ոչ միայն առիթ հանդիսացավ հայ ժողովրդի համար իր պատմական մարտական ոգին ցուցաբերելու, իր ազատությունն ու անկախությունը անձնվիրաբար պաշտպանելու, այլև ցայտուն առիթ ծառայեց ասպարեզանելու հայ ժողովրդի նվիրվածությունը ընդհանուր Հայրենիքին և անխախտ բարեկամությունը հանդես դուրս մեծ ժողովրդի։

Հայրենական պատերազմի օրերին Սովետական Միության խաղաղասեր քաղաքականությունը էլ ավելի ուժեղացրեց համակրանքը աշխարհի ազատասեր և դեմոկրատական երկրների ժողովուրդներին մեջ, դեպի հերոսական Կարմիր Բանակը և դեպի Սովետական Միության ժողովուրդները։ Հայրենական պատերազմի պայմաններում հաստատվեցին սերտ բարեկամական հարաբերություններ Սովետական Միության և դեմոկրատական երկրների ժողովուրդներին միջև հասնելու այն բարձր նըպատակին, որին ձգտում են աշխարհի խաղաղասեր ժողովուրդները՝ ջախջախել ֆաշիզմը, ոչնչացնել խաղաղության թրջնամիներին և աշխարհում տեղծել մշտական խաղաղություն։

Այդ սերտ բարեկամական հարաբերությունները Սովետական Միության և դեմոկրատական բոլոր երկրների միջև կշարունակվեն պահպանվել ոչ միայն պատերազմի պայմաններում, այլև պատերազմից հետո, և դա կլինի մշտական խաղաղություն ամուր երաշխիքներից մեկը, որը կնպաստի փոխադարձ բարեկամական հարաբերությունների պայմաններում զարգացնելու Միության ժողովուրդների տնտեսական ու կուլտուրական շինարարությունը։

Սովետական Միության ժողովուրդների տնտեսական հզորացման և առանձին ուսույրելիքների տնտեսական կուլտուրական առանձնահատուկ կարիքները բավարարելու լավագույն միջոցը հանդիսանում է դեմոկրատական երկրներում մեր ժողովուրդների ներկայացուցչություն հաստատելու այն քաղաքական խոշոր ակտը, որ հրատարակվեց Սովետական Միության Գերագույն Սովետի 10-րդ նստիսյում։

Այդ խոշոր քաղաքական ակտով Միության բոլոր ուսույրելիքները որպես հավասար անդամ Սովետական Մեծ Միության ընտանիքի, հարավորություն ունեն կազմակերպելու Պաշտպանության և Արտաքին Գործերի կոմիսարիատներ։

Նոր կոմիտարիատներ են ստեղծվում նաև Հայաստանում: Այս վկայում է Հայ ժողովրդի քաղաքական գիտակցությունը, նրա հասունությունը և տնտեսական ու կուլտուրական զորացումը:

Այս ակտը ստեղծում է նոր, էլ ավելի լայնարձակ հեռանկարներ համայն աշխարհի հայության տնտեսական, կուլտուրական վերելքի համար:

Պատմական այս մեծ ժամանակաշրջանում, երբ հայ ժողովուրդը իր ազատության և անկախության համար մղվող Հայրենական պատերազմում հերոսաբար մարտնչում է կուլտուրայի և մարդկության առեւել թշնամի ֆաշիզմի դեմ, աշխարհի բոլոր երկրներում ապրող մեր հոտի մեջ ավելի ևս ուժեղանում է գիտակցությունը համախմբվելու Մայր Հայաստանի, Ամենայն Հայոց Հայրապետական Աթոռի՝ Ս. Էջմիածնի շուրջը, լարելու բոլոր ուժերը, բոլոր հնարավորություններով օժանդակելու մարտի դաշտում կռիող

մեր հերոսական ժողովրդի անձնվեր դավաճներին և ապահովելու առեւել թշնամու խաղառ ոչնչացումը և վերջնական խաղաղությունը:

Մոտ է ժամը, երբ Տիրոջ օգնությամբ հերոսական Կարմիր Բանակը և մեր դաշնակից դեմոկրատական պետությունները հանդես կբերեն իրենց ողջ զինական ուժը և միահամուռ ուժերով վերջնականորեն կջախջախեն մարդկության առեւել թշնամուն, որպեսզի ալեկոծ աշխարհը խաղաղի և հետպատերազմյա մարդկային կյանքը նոր և արդար սկզբունքներով կառուցվի: Այս կլիներ լավագույնս սպեղանին մարդկության կրած անլուր տառապանքների համար:

Մաղթում եմ, որ Ամենաբարձրալը զորավիգ լինի Կարմիր Բանակին և դաշնակից երկրներին փութացնելու հաղթանակը հանուն արդարության և մշտնջենական խաղաղության:

ԱՄԵՆԱՅՆ ՀԱՅՈՑ ՀԱՅՐԱՊԵՏՈՒԹՅԱՆ ԱԶԳՆՏԻՐ
ՏԵՂԱԿԱԼ ԳԵՎՈՐԳ ԱՐԳԵՊԻՍԿՈՊՈՍ